

Meje Po Carte Juan Epatotha Tatina, Pomonae Jesucristo Pejume Cowantsiwi Tatinatsi. Barapo Carte Epatowa Carta.

*Meje xua pexainyei diwesi yabara, yawano
peantobe diwesi yabara*

¹ Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowantsixaem. Nacom paca itapeta painya paca exanaenexa piamonae. Iru tatinan pomonae paca baru nacaetuta pomonae be painya pexui natsicotane. Xaniwaicha betiya paca antobetsi painya neyaputaexae pexainyeiwa. Matautano ichamonae paca antobe pomonae yaputane pexainyei jumein.

² Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajuntu coyenewantha cajinompeibatsi anoxuae, matautano xua ataya tsane.

³ Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa iru Jesucristo Wanacanamateaxinaein pon Nacom Pexanto tatsi baponbe naca yawenabe. Baponbe naca yawenaena, matautano amanayiya baponbe naca yabara nantanuweya nanta xeinaena pia wanaca

yawenaenexa. Matautano baponbe juntema jinompa naca exanaena.

⁴ Juntu coyene weiweinan tsipei painyamonaе jiwana cui tan, xua beta pejinompaewa. Barapo painyamonaе exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba.

⁵ Paxam, iru painya nejume cowuntsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonaе aena jume cowantatsi.

⁶ Icha waxainchi Nacom antobetsi, barapoxonaе bewa jume cowuntsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonaе aena pajume cowantame. Barapo peitorobi diwesi jume naca jeye: “Nantiya pana naantobeinde”, jei.

Meje yabara pomonaе jiwi pemuxujainyabi jiwi

⁷ Po cae pin nacuathe jiwi ayei jinompa, pomonaе jiwi pemuxujainyabi jiwi. Barapomonaе jeye: “Nacom jopa itorobiyo Pexanto barapo cae pin nacuathe, pon pewan Jesucristo xua pepa jiton naexana”, jei barapomonaе. Pomonaе xua bapocotsiwa paeba, bapomonaе apara pomonaе jiwi pemuxujainyabi jiwi yawa bapomonaе Cristo abe peyabara paebiwichi.

⁸ Dota pam bu caurimonaе paca juntu coyene jujuta, abe painya neexanaewa tsane, xua daxota Nacom painya nepaca catsinexa pentoma xua

abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

⁹ Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaŭtsiyo Nacom xua be Paxa. Ichitha jame pon exana ducuaaebiya pocotsiwa xua Jesucristo pia pecuidubi coyenewatha paeba, bapon jame nantaŭta Nacom be Paxa, mataŭtano nantaŭta Jesucristo pon Nacom Pexanto tatsi.

¹⁰ Icha ichŭn paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena.

¹¹ Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara irŭrŭ abe exanarŭ icha be bapon ichi pon ichŭn pon pia botha petapatopaexaetsi.

Meje yabara poxonae xua Juan opi wetaba po carte

¹² Ainya diwesin bequein cataunxuae xeinan xua tapaca camuxu tsipaebiwa tsainchi, ichitha jopa beyabara tinaeinyo paperatha barapo diwesin. Daichitha ewatan xua tapaca cataewa tsainchi bexa, mataŭtano xua tapaca catsipaebiwa tsainchi. Bapoxonae wajantŭ coyene weiweinaenexa tsainchi bichocono.

13 Pomonaē irū Nacom pejume cowantsiwi icha
paxam paichim, pomonaē irū Nacom itapeta,
barapomonaē paca jacobā.
Baja Juan.

Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7